



UNIVERSITÄTS-
BIBLIOTHEK
PADERBORN

Universitätsbibliothek Paderborn

Benedicti Ariæ Montani Hispalensis Poemata

In Qvatvor Tomos Distincta

Humanæ salutis Monumenta, & Odæ variæ

Arias Montano, Benito

Antverpiæ, 1589

In tabulam Christi ad victimam vltro oblatis. Ode Tricolos Tetrastrophos.
LIII.

urn:nbn:de:hbz:466:1-44973

MONUMENTA.

61

Tantum terrigenis decus
 Et deducta polo munera porrigi.
 Nam quæ ritibus annuis
 Abrami soboles feita peregerant,
 Contestata iugum graue, &
 Depulso dominos, & miserum metum,
 Euasique maris diem,
 Extinctasque minas fluctibus impias;
 Veris nunc eadem modis
 Instaurata nouat, qui patris integrum
 Consors imperium tenet,
 Qui vitam proprio numine sufficit,
 Defectumque animat genus.
 Hic sese gregibus dum esurientium,
 Arcani specie latens
 Panis, suppeditat; dumque rubentia
 Vini pocula sanguine
 Occulto at proprio præbet auentibus,
 Quicquid mentibus improbus
 Ac membris coluber subdiderat mali,
 Et quam scire malum petens,
 Mater perniciem fuderat inuido
 Fatalique nepotibus
 Pomo, visceribus corrigit intimis;
 Et lethi remouet iugum,
 Et dat posse bonis perpetuis frui.

CELATVM SECVLIS ARCANVM.

Has epulas, queis vita Dei, queis munera Christi
 Concilianur, ames, si sapias; vt capias.

DEI BENIGNITATI ADMIRANDAE S.

In tabulam Christi ad victimam vltro oblari.

Ode Tricolos Tetraſtrophos. LIII.

QVI solus omnes immeritus luat
 Noxas parentum, & crimina posterum,
 Nunc agnus orbi postulatus,
 Ipse animam iugulumque præbet.
 Namque antè priscis ritibus hostiæ,
 Quæcunque cultros imbuerant sacros,
 Nec crimen expedire nostrum,
 Nec poterant mala dimouere:

Noa

62 HUMANAE SALVTIS

Nō si secundo à sideribus die
Armenta, quotquot vel pecudes tulit:
Tellus, ad aras obtulisses
Ignibus assiduis calentes.
Nam quæ sub alti cardinibus poli
Humana præster munia quadriupes?
Vel mentis exæquet valorem,
Vel pretio solidante ponat?
Vras avaris ignibus omnia
Omenta semper, non veteris tamen
Consumis vnà & membra Adami,
Semina vel malè nata tollis.
Quid quòd nec illis viuuda spiritus
Concessa vis, est, qua valeant semel
Exstincta respirare in auras,
Atque nouam reperisse lucem?
Possent recepto munere quamlibet
Exstare, & artes induerent nouas;
Non illa partes attulissent,
Aut animas rediuina nostras.
Atqui vetustis debuit artibus
Occisus æquas pendere noxius
Pœnas, & exsurgens probanda
Iustus homo rediisse vita.
Ergo efficaci munere duplici
Instructus agnus, quique valet mori;
Rursumque viuens emicare,
Atque sibi sociare mundum;
Hic, (omne nostrum qui superat genus)
Firmat volentis consilium Dei;
Et sponte productus, nocentum
Facta hominum subit expianda.

PUBLICA VICTIMA.

Maxima mortalis qui ferret pondera culpe
Asportanda, vnus Christus & Agnus erat.

SACERDOTI AETERNVM
VNCTO S.